


阿毗達磨俱舍論

卷十一

三百九十五
志一

50666



阿毗達磨俱舍論卷第十一

志

尊者世親造

三藏法師

玄奘奉

詔譯

分別世品第三之四

如是已說有情世間器世間今當說頌曰

安立器世間

風輪最居下

其量廣無數

厚十六洛叉

次上水輪深

十一億二萬

下八洛叉水

餘凝結成金

此水金輪廣

徑十二洛叉

三千四百半

周圍比三倍

論曰許此三千大千世界如是安立形量不

同謂諸有情業增上力先於最下依止虛空

有風輪生廣無數厚十六億踰繕那如是風

輪其體堅密假設有十大諾健那以金剛輪

奮威懸擊金剛有碎風輪無損又諸有情業
增上力起大雲雨澍風輪上滴如車軸積水
成輪如是水輪於未凝結位深十一億二萬
踰繕那如何水輪不傍流散有餘師說一切
有情業力所持今不流散如所飲食未熟變
時終不流移墮於熟歲有餘部說由風所持
今不流散如箒所持穀有情業力感別風起搏
擊此水上結成金如熟乳停上凝成膜故水
輪減唯厚八洛又餘轉成金厚三億二萬二
輪廣量其數是同謂徑十二億三千四百半
周圍其邊數成三倍謂周圍量成三十六億
一萬三百五十踰繕那頌曰

蘇迷盧處中

次踰健達羅

伊沙馱羅山

竭地洛迦山

蘇達梨舍那

頰濕縛羯拏

毗那怛迦山

尼民達羅山

於大洲等外

有鐵輪圍山

前七金所成

蘇迷盧四寶

入水皆八萬

妙高出亦然

餘八半半下

廣皆等高量

論曰於金輪上有九大山妙高山王處中而
任餘八周匝遶妙高山於八山中前七名內
第七山外有大洲等此外復有鐵輪圍山周
帀如輪圍一世界持雙等七唯金所成妙高
山王四寶為體謂如次四面北東南西金銀
吠琉璃頗脰迦寶隨寶威德色顯於空故瞻

部洲空似吠琉璃色如是寶等從何而生亦
諸有情業增上力復大雲起雨金輪上滴如
車軸積水奔濤其水即爲衆寶種藏由具種
種威德猛風鑽擊變生衆寶類等如是變水
生寶等時因滅果生體不俱有非如數論轉
變所成數論云何執轉變義謂執有法自性
常存有餘法生有餘法滅如是轉變何理相
違謂必無容有法常住可執別有法滅法生
誰言法外別有有法唯即此法於轉變時異
相所依名爲有法此亦非理非理者何即是
此物而不如此如是言義曾所未聞如是變
生金寶等已復由業力引起別風簡別寶持

攝八聚集成山成洲分水甘鹹令別成立內
海外海如是九山住金輪上入水量皆等八
萬踰繕那蘇迷盧山出水亦亦餘八出水半
半漸界謂初持雙出水四萬乃至最後鐵輪
圍山出水三百一十二半如是九山一一廣
量各各與自出水量同頌曰

山間有八海

前七名爲內

最初廣八萬

四邊各三倍

餘六半半

第八名爲外

三浴又二萬

土千踰繕那

論曰妙高爲初輪圍最後中間八海前七名

內七中皆具八功德水一甘二冷三熨四輕

五清淨六不臭七飲時不損喉八飲已不傷

腹如是七海初廣八萬約持雙山內邊周量
於其四面數各三倍謂各成二億四萬踰繕
那其餘六海量半半陘謂第二海量廣四万
乃至第七量廣七千二百五十此等不說周
圍量者以煩多故第八名外鹹水盈滿量廣
三億二萬二千頌白

於中大洲相南瞻部如車三邊各二千
南邊有三半東毗提訶洲其相如半月
三邊如瞻部東邊三百半西瞿陀尼洲
其相圓無缺徑二千五百周圍此三倍
北俱盧覓方面各二千等中洲復有八
四洲邊各二

論曰於外海中大洲有四謂於四面對妙高山南瞻部洲北廣南陔三邊量等其相如車南邊唯廣三踰繕那半三邊各有二千踰繕那唯此洲中有金剛座上窮地際下據金輪一切菩薩將登正覺皆坐此座上起金剛喻定以無餘依及餘處所有堅固力能持此故東勝身洲東陔西廣三邊量等形如半月東三百五十三邊各二千西牛貨洲圓如滿月徑二千五百周圍七千半北俱盧洲形如方座四邊量等面各二千等言爲明無少增減隨其洲相人面亦然復有八中洲是大洲眷屬謂四大洲側各有二中洲瞻部洲邊二中

洲者一遮末羅洲二茂羅遮末羅洲勝身洲
邊二中洲者一提訶洲二毗提訶洲牛貨洲
邊二中洲者一舍拈洲二喞怛羅漫怛里拏
洲俱盧洲邊二中洲者一矩拉婆洲二憍拉
婆洲此一切洲皆人所住有說唯一邏刹婆
居頌曰

此北九黑山

雪香醉山內

無熱池縱廣

五十踰繕那

論曰此瞻部洲從中向北三處各有五重黑
山有大雪山在黑山北大雪山北有香醉山
雪北香南有大池水名無熱惱出四大河一
殑伽河二信度河三徙多河四縛錫河無熱

惱池縱廣正等面各五十踰繕那量八功德
水盈滿其中非得通人無由能至於此池側
有瞻部林樹形高大其果甘美依此林故名
瞻部洲或依此果以立洲号復於何處置捺
落迦大捺落迦何量有幾頌曰

此下過二萬

無間深廣同

上七捺落迦

八增皆十六

謂煆煨屍糞

鋒刃烈河增

各住彼四方

餘八寒地獄

論曰此瞻部洲下過二万有阿鼻旨大捺落

迦深廣同前謂各二萬故彼底去此四万踰
繕那以於其中受苦無間非如餘七大捺落
迦受苦非恒故名無間且如等活捺落迦中

諸有情以雖被種種斫刺磨擣而彼暫遇涼
風所吹還活如本由斯理故立等活名阿鼻
旨中無如是事有餘師說阿鼻旨中無樂間
苦故名無間餘地獄中有樂間起雖無異熱
而有等流七捺落迦在無間上重累而住其
七者何一者極熱二者炎熱三者大叫四者
號叫五者衆合六者黑繩七者等活有說此
七在無間傍八捺落迦增各十六故薄伽梵
說此頌言

此八捺落迦

我說甚難越

以熱鐵為地

周帀有鐵墻

四面有四門

關閉以鐵扇

巧安布分量

各有十六增

多百踰繕那

滿中造惡者 周徧焰交徹 猛火恒洞然
十六增者八捺落迦四面門外各有四所一
塘煨增謂此增內塘煨沒膝有情遊彼纔下
足時皮肉與血俱焦爛墜舉足還生平復如
本二屍糞增謂此增內屍糞泥滿於中多有
娘矩吒蟲紫利如針身白頭黑有情遊彼皆
爲此蟲鑽皮破骨啣食其髓三鋒刃增謂此
增內復有三種一刀刃路謂於此中仰布刀
刃以爲大道有情遊彼纔下足時皮肉與血
俱斷碎墜舉足還生平復如本二劒葉林謂
此林上純以鋸利劒刃爲葉有情遊彼風吹
葉墜斬剝支體骨肉零落有烏駝狗齧掣食

之三鐵刺林謂此林上有利鐵刺長十六指
有情被逼上下樹時其刺銛鋒下上鑱刺有
鐵策鳥探啄有情眼睛心肝爭競而食刀刃
路等三種雖殊而鐵仗同故一增攝四烈河
增謂此增量廣滿中熱鹹水有情入中或浮
或沒或逆或順或橫或轉被蒸被煮骨肉糜
爛如大鑊中滿盛灰汁置麻米等猛火下然
麻等於中上下迴轉舉體糜爛有情亦然設
欲逃亡於兩岸上有諸獄卒手執刀槍禦捍
令迴無由得出此河如壑前三似園四面各
四增故言皆十六此是增上被刑害所故說
名增本地獄中適被害已重遭害故有說有

情從地獄出更遭此苦故說爲增今於此中
因論生論諸地獄卒是有情不有說非情如
何動作有情業力如成劫風若尔云何通彼
大德法善現說如彼頌言

心常懷忿毒

好集諸惡業

見他苦欣悅

死作琰魔卒

琰魔王使諸羅刹娑擲諸有情置地獄者名
琰魔卒是實有情非地獄中害有情者故地
獄卒非實有情有說有情若尔此惡業何處
受異熟即地獄中以地獄中尚容無間所感
異熟此何理遮若尔何緣火不燒彼此定由
業力所隔礙故或感異大種故不被燒熱捺

落迦已說有八復有餘八寒捺落迦其八者
何一頽部陀二尼刺部陀三頽晰吒四臞臞
婆五虎虎婆六盟鉢羅七鉢特摩八摩訶鉢
特摩此中有情嚴寒所逼隨身聲變以立其
名此八並居贍部洲下如前所說大地獄傍
此贍部洲其量無幾下寧容受無間等耶洲
如穀聚上尖下闊是故大海漸陜漸深如上
所論十六地獄一切有情增上業感餘孤地
獄各別業招或多或二或一所止差別多種
處所不定或近江河山邊曠野或在地下空
及餘處諸地獄器安布如是本處在下支派
不定傍生任處謂水陸空本處大海後流餘

處諸鬼本處琰魔王國於此贍部洲下過五百踰繕那有琰魔王國縱廣量亦尔從此展轉散居餘處或有端嚴具大威德受諸富樂自在如天或有飢羸顏貌醜陋如是等類廣說如經日月所居量等義者頌曰

日月迷盧半

五十一五十

夜半日没中

日出四洲等

雨際第二月

後九夜漸增

寒第四亦然

夜減晝翻此

晝夜增臘縛

行南北路時

近日自影覆

故見月輪缺

論曰日月衆星依何而住依風而住謂諸有

情業增上力共引風起遶妙高山空中旋環

運持日等令不停墜彼所住去此幾踰繕那

持雙山頂齊妙高山半日月徑量幾踰繕那
日五十一月唯五十一星最小者唯一俱盧舍
其最大者十六踰繕那日輪下面頗脰迦寶
火珠所成能熱能照月輪下面頗脰迦寶水
珠所成能冷能照隨有情業增上所生能於
眼身果華稼穡藥草等物如其所應為益為
損唯一日月普於四洲作所作事一日所作事
為四洲同時不不尔云何北洲夜半東洲日
沒南洲日中西洲日出此四時等餘例應知
日行此洲路有差別故令晝夜有減有增從
雨際第二月後半第九日夜漸增從寒際第
四月後半第九日夜漸減晝增減位與此相

違夜漸增時晝便漸減夜若漸減晝則漸增
晝夜增時一晝夜增幾增一臘縛晝夜減亦
然日行此洲向南向北如其次第夜增晝增
何故月輪於黑半末白半初位見有缺耶世
施設中作如是釋以月宮殿行近日輪月被
日輪光所侵照餘邊發影自覆月輪令於介
時見不圓滿先舊師釋由日月輪行度不同
現有圓缺日等宮殿何有情居四大天王所
部天衆是諸天衆唯住此耶若空居天唯住
如是日等宮殿若地居天住妙高山諸層級
等有幾層級其量云何何等諸天住何層級
頌曰

妙高層有四

相去各十千

傍出十六千

八四二千量

堅手及持鬘

恒憍大王衆

如次居四級

亦住餘七山

論曰蘇迷盧山有四層級始從水際盡第一

層相去十千踰繕那量如是乃至從第三層

盡第四層亦十千量此四層級從妙高山傍

出圍遶盡其下半最初層級出十六千第二

第三第四層級如其次第八四二千有藥叉

神名爲堅手住初層級有名持鬘住第二級

有名恒憍住第三級此三皆是四大天王所

部天衆第四層級四大天王及諸眷屬共所

居止故經依此說四大王衆天如妙高山四

外層級四大王衆及眷屬居如是持雙持軸
山等七金山上亦有天居是四大王所部封
邑是名依地住四大王衆天於欲天中此天
最廣三十三天住在何處頌曰

妙高頂八萬

三十三天居

四角有四峯

金剛手所住

中宮名善見

高一半金城

雜飾地柔軟

中有殊勝殿

周千踰繕那

外四苑莊嚴

妙地居四方

相去各二十

衆車鹿雜喜

西南善法堂

論曰三十三天住迷盧頂其頂四面各八十
千與下四邊其量無別有餘師說周八千五

別說四邊各唯二萬山頂四角各有一宮其
高廣量各有五百有藥叉神名金剛手於中
止任守護諸天於山頂中有宮名善見面二
千半周萬踰繕那金城量高一踰繕那半其
地平坦亦真金所成俱用百一雜寶嚴飾地
觸柔軟如妬羅綿於踐躡時隨足高下是天
帝釋所都大城於其城中有殊勝殿種種妙
寶具足莊嚴蔽餘天宮故名殊勝面二百五
十周千踰繕那是謂城中諸可愛事城外四
面四苑莊嚴是彼諸天共遊戲處一衆車苑
二麤惡苑三雜林苑四喜林苑此爲外飾莊
嚴大城四苑四邊有四妙池中間各去苑

十踰繕那是彼諸天勝遊戲處諸天於彼角
勝歡娛城外東北有圓生樹是三十三天受
欲樂勝所盤根深廣五踰繕那聳幹上昇枝
條傍布高廣量等百踰繕那挺葉開花妙香
芬馥順風熏滿百踰繕那若逆風時猶遍五
十順風可尔云何逆熏有餘師言香無逆熏
義依不越樹界故說逆熏理實圓生有如是
德所流香氣能逆風熏雖天和風力所擁遏
然能相續流趣餘方漸劣漸微近處便歇非
能遠至如順風熏如是花香為依自地隨風
相續轉至餘方為但熏風別生香氣此義無
定諸軌範師於此二門俱許無失若尔何故

薄伽梵言

華香不能逆風熏

根莖等香亦復亦

善士功德香芬馥

逆風流美遍諸方

據人間香故作是說以世共了無如是能化

地部經說此香氣順風熏滿百踰繕那若無

風時唯遍五十外西南角有善法堂三十三

天時集於彼詳論如法不如法事如是已辯

三十三天所居外器餘有色天衆所任器云

何頌曰

此上有色天 任依空宮殿

論曰此前所說三十三天上有色諸天任依

空宮殿云何名上有色諸天謂夜摩天覩史

多天樂變化天他化自在天及前所說梵衆
天等有十六處并前合有二十二天皆依外
器如是所說諸天衆中頌曰

六受欲交抱

執手笑視姪

論曰唯六欲天受妙欲境於中初二依地居
天形交成姪與人無別然風氣世熱惱便除

非如人間有餘不淨夜摩天衆纒抱成姪觀
史多天但由執手樂變化天唯相向笑他化
自在相視成姪毗婆沙師作如是釋六天皆
以形交成姪世施設中說相抱等但爲顯彼
時量差別以上諸天欲境轉妙貪心轉捷故
使之然隨彼諸天男女膝上有童男童女歛

尔化生即說爲彼天所生男女初生天衆身
量云何頌曰

初如五至十 色圓滿有衣

論曰且六欲諸天初生如次如五六七八九
十歲人生已身形速得成滿色界天衆於初
生時身量周圓具妙衣服一切天衆皆作聖
言謂彼言詞同中印度欲樂生別云何應知
頌曰

欲生三人天 樂生三九處

論曰欲生三者有諸有情樂受現前諸妙欲
境彼於如是現欲境中自在而轉謂全人趣
及下四天有諸有情樂受自化諸妙欲境彼

於自化妙欲境中自在而轉謂唯第五樂變
化天有諸有情樂受他化諸妙欲境彼於他
化妙欲境中自在而轉謂第六他化自在天
依受如生現前欲境故依受如樂自化欲境故
依受如樂他化欲境故於欲界中分別欲生
差別三種樂生三者三靜慮中於九處生受
三種樂謂彼安住離喜樂定生喜樂離喜樂
故長時安住長時離苦長時受樂故名樂生
生靜慮中間都無喜樂應思何故亦另樂生
天所說諸天二十二處上下相去其量云何

頌曰

如彼去下量 去上數亦然

大千如是大千同成同壞同成壞相後當廣
辯如外器量別身量亦別耶亦別云何頌曰
瞻部洲人量 三肘半四肘 東西北洲人
倍倍增如次 欲天俱盧舍 四分一一增
色天踰繕那 初四增半半 此上增倍倍
唯無雲減三

論曰瞻部洲人身多長三肘半於中少分有
長四肘東勝身人身長八肘西牛貨人長十
六肘北俱盧人三十二肘欲界六天最下身
量一俱盧舍四分之一如是後後一分增
至第六天身一俱盧舍半色天身量初梵眾
天半踰繕那梵輔全一大梵一半少光二全

此上餘天皆增倍倍唯無雲滅三踰繕那謂
無量光天倍增二至四乃至色究竟增滿万
六千身量既殊壽量別不亦別云何頌曰
比洲定千年 西東半半減 此洲壽不定
後十初叵量 人間五十年 下天一晝夜
乘斯壽五百 上五倍倍增 色無晝夜殊
劫數等身量 無色初二万 後後二二增
少光上下天 大全半為劫
論曰比俱盧人定壽千歲西牛貨人壽五百
歲東勝身人壽二百五十歲南瞻部人壽無
定限劫滅最後極壽十年於劫初時人壽無
量百千等數不能計量已說人間壽量長短

要先建立天上晝夜方可筭計天壽短長天
上云何建立晝夜人五十歲爲六天中最在
下天一晝一夜乘斯晝夜三十爲月十二月
爲歲彼壽五百年上五欲天漸俱增倍謂人
百歲爲第二天一晝一夜乘此晝夜成月及
年彼壽千歲夜摩等四隨次如人二四八百
千六百歲爲一晝夜乘此晝夜成月及年如
次彼壽二四八千萬六千歲持雙以上日月
並無似天云何建立晝夜及光明事依何得
成依止一關合建立晝夜如拘物隨鉢特摩等
又依諸鳥鳴靜差別或依天衆寤寐不同依
自身光明成外光明事已說欲界天壽短長

色界天中無晝夜別但以劫數知壽短長彼劫壽短長與身量數等謂若身量半踰繕那壽量半劫若彼身量一踰繕那壽量一劫乃至身量長萬六千壽量亦同萬六千劫已說色界天壽短長無色四天從下如次壽量二四六八萬劫上所說劫其量云何為壞為成為中為大少光已上大全為劫自下諸天大半為劫即由此故說大梵王過梵輔天壽一劫半謂以成任壞各二十中劫六十中劫為一劫半故以大半四十中劫為下三天所壽劫量已說善趣壽量短長惡趣云何頌曰
等活等上六 如次以欲天 壽為一晝夜

壽量亦同彼 極熱半中劫 無間中劫全
傍生極一中 鬼月日五百 頰部陀壽量
如一婆訶麻 百年除一盡 後後倍二十
論曰四大王等六欲天壽如其次第爲等活
等六捺落迦一晝一夜壽量如次第亦同彼天
謂四大王壽量五百於等活地獄爲一晝一
夜乘此晝夜成月及年以如是年彼壽五百
乃至他化壽萬六千於炎熱地獄爲一晝一
夜乘此晝夜成月及年彼壽如斯萬六千歲
極熱地獄壽半中劫無間地獄壽一中劫傍
生壽量多無定限若壽極長亦一中劫謂難
陀等諸大龍王故世尊言大龍有八皆任一

劫能持大地鬼以人間一月爲一日乘此成
月歲壽五百年寒那落迦云何壽量世尊寄
喻顯彼壽言如此人間佉梨二十成摩揭陀
國一麻婆訶量有置巨勝平滿其中設復有
能百年除一如是巨勝易有盡期生頸部陀
壽量難盡此二十倍爲第二壽如是後後二
十倍增是謂八寒地獄壽量此諸壽量有中
天耶頌曰

諸處有中天 除比俱盧洲

論曰諸處壽量皆有中天唯比俱盧定壽千
歲此約處說非別有情有別有情不中天故
謂住觀史多天一生所繫菩薩及最後有佛

記佛使隨信法行菩薩輪王母懷彼二胎時
此等如應皆無中天

說一切有部俱舍論卷第十一

志

英慈朗凝結上陵徑古定踰繕上羊朱奮反

方問樹音箒市緣搏擊上音膜音馱唐賀竭

地上丘頰下俗拏尼加頗上普脰反珍

暹亦濤音鑽子官鹹俗作醜咸陔侯夾栗軟

畷方上昌舍下佳盟上烏漫反莫半

矩拉上俱邏下賀縱上容殊反伽上

徒多上紫縛下俱捺上達煨上音

唐下鳥鋒上音斫上之磨上莫

下音 島 號 叫 上 戶 蟲 俗 作 紫 子 委 反 師 子 雜 銛

利 廉 反 息 駁 反 必 角 植 掣 上 加 反 助 加 反 又 側 刺 林 賜 七

反 逼 反 彼 力 鏡 刺 上 助 七 亦 反 正 作 探 啄 反 上 土 音 含

卓 糜 爛 上 卑 反 密 刀 槍 羊 下 反 七 禦 捍 下 音 汗 漸 反 七 焰

琰 魔 上 以 頰 反 於 葛 刺 反 郎 達 晰 吒 上 竹 臙 反 許 角

虎 字 嗚 反 烏 骨 派 反 死 賣 羸 反 力 垂 臘 縛 上 反 郎 旋 環

上 似 宣 反 持 屨 下 班 反 莫 苾 反 紆 阮 平 坦 下 他 踐 躡

上 音 賤 下 蔽 反 必 祭 歡 娛 下 音 聳 幹 下 息 勇 反

挺 反 亭 頂 芬 馥 伏 下 音 擁 遏 下 於 歇 反 許 謁 軌 範 上 俱

水 反 下 泚 倅 捷 反 才 葉 欵 尔 勿 上 許 肘 反 知 柳 匠 反 我

反 音 范 年 寤 寐 密 上 音 誤 下 摩 揭 列 下 居 巨 勝 聲 下 去 二

字 正 作 中 天 小 下 於 反 誤 下 摩 揭 列 下 居 巨 勝 聲 下 去 二

昔 勝 作 中 天 小 下 於 反 誤 下 摩 揭 列 下 居 巨 勝 聲 下 去 二

